

آبونه شرائطی

ممالك عثمانیه ده سنه لکی (۶۵)، التي
آیلغی (۳۵) غروشدور .

ممالك احصیه ده سنه لکی (۱۷)، التي
آیلغی (۹) قرانقدور .

اداره خانه

باب عالی جاده سنده دائرة مخصوصه

اضطارات

آبونه بدلی پشندور .

§

مسلكه موافق آثار مع الممنونیه قبول
اولنور . درج ایدلمه یازیلر اعاده
اولونماز .



۱۳۳۰

اضطارات

رساله خردن آلدیغی کوسترملک شرطیه
بتون یازیلر هر هانکی بر غزنه طرفندن
اقتباس اولونه ییلیر .

§

مکتوبلرک، امضالرک واضح و اوقوناقلی
اولمسی و آبونه صره نوموسى محتوی
بولونمسی لازمدور .

§

ممالك اجنبیه ایچون آبونه اولانلرک
آدرس لریشک فرانسزجه ده یازلمسی رجا
اولنور .

§

پاره کوندرلدیکی، ان نه یه د ثراولدیغنک
واضعا ییلدیلمسی رجا اولنور .

بشر - سفاقتدن بشقہ نہ دوشونور ! ؟ بزى يالکز منسوب اولديغمز عائله
افرادندن برينه كلهك بر مصيبت بلکہ راز اورسہلر ، يوقسہ
کوزمرك اوکنده يوز بيکارجه دینداسمز محو ایدلسہ ، بونلرک بيکس
ويتم عائله و اولادلى ينہ او چيقهسى کوزلر اوکنده آج و صوسز
سورونسہ ، دشمنلرمز معاذللہ تکرار عرض و ناموسمزى اياقلر آلتنه
آلہرق بزى کائناتدن چيقارمغه چاليشہ ينہ بز لاقيد ، ينہ بز بيکانه!
شمدي فضائل انسانينہك شو درکلهرينہ قدر تنزل ايدن بر حس ايله
متحلي بز مسلمانلردن مقاله ويا سوزله اعانہ جمى قابلدن ملاحظہ سندنہ
بولنانلر صاف درون دکلدہ نہ درلر ؟ وطن محبتى ، مليت سوداسنى
عمرندہ برکرہ حس ايتامش بر قومہ قارشى انحق جبروشدت ايش کورہ بيلير.
آرتق بز بوقانى قورومش انسانلرہ سوز اکلآتمق دورى چوقدن کچدى ،
حکومت بوبادہ بشقہ چارہلر دوشونملى ، بشقہ منابع تحري ايتلى .

نفوس باشينہ آيدہ بر غروش اطف ايدک آوازہ حميتلہ فربادايدن
دونما مجموعہسى عجباً دلالاتنى چيقارہ بيلديمى ؟ مسئلہ يہ جدى کيريشمک
دورہ سندنہ يز ، بزم حسيات مليہ من مستثنا الفاظ استعماليلہ غلبانہ کلز ،
چونکہ يوق بونى زمان يزہ اکلآتدى .

حکومت طرفندن ہر نفوس آيدہ بر غروش ويرمکہ مجبور ايدملى ،
ہر خانہ حاوى اولدينى نفوسى قدر غروش ويرملى . حميدہ حجاز تيور
يولنہ مخصوص علم و خبرلر طرزندہ دونما اعانہ سنہ مخصوص بوللر ميدان
تداولہ چيقارملى ، استدعالرہ واوراق سائرہ رسنيہ يہ الصاق ايدملى ،
بتون سواحل عثمانیہ دہ - اجنبى وخرستيانلر مستثنا - واپورلردن
چيقاچقلردن دونما اعانہ سنہ مخصوص اولق اوزرہ بر مقدارارضیہ النہلى ،
مأمورين معاشاتندن حرب ويرکوسى ناميلہ قطع ايديلن مبالغہ کي اعانہ
بحريہ ويرکوسى ناميلہ دہ معاش نسبتندہ بر شى قطع ايدملى . اصحاب
املاک و اغنيای مشورہ اولہ حق روحسزلردن ثروتلری نسبتندہ آريجہ
مقطوع بر ويرکو تحصيل ايتملى . حاصلی دہا عقلمک ايرہ مدیکی بر
جوق منابع آرہ يوب بولمليدہ ايشہ جدى صورتندہ صاريلہلى يوقسہ
اہ عشقنہ حکومتہ خطاب ايدک بو خصوصندہ کي وسائطہ مراجعت
ايدرسہ محق کوريلہ جکندن امين اولسون . وسائط مذکورہ تقوين
ايدمک صورتيلہ مشروعدنر ، ہرکس تادیبہ مجبور قالير . آرتق بزم
کي ايماني کوشہك انسانلرہ خطاب ايتيک . بزم مقدراتمز قوۃ بازو ايلہ
دونمکہ آليشقدر .

خالص طلعت

نَفَيْدُ وَنَفَيْضُ

حيات حضرت محمد ﷺ

عنوانى اثر مفندہ

— ۲ —

موضوع بخش اولان کتابك ۲۰ نجى صحيفہ سندنہ « كرمك و بلقع
بلدہلرينك منبت اووالرى ... » ديہہ برعبارہ وار . عربستاندہ (كرمك)

بالعكس تماميلہ او ايشلرينہ حصر مساعى ايدكى آرزو ايديبورلر . فقط
بالمقابلہ بر شرط درميان ايديبورلرکہ اودہ زوج ، پدر ، برادر کي
عائلهلرى ارکانك اوتدہ بريده کز مہملرى ، بوش زمانلرى کنديلرينك
يانندہ کچيرملرى خصوصندن عبارتدر . بومقصده آلمان قاديئلرى برقاج
يوز بيک امضايى محتوى بر شکايتنامہ حاضر لامشردنر . بوشکايتنامہ دہ
قلوب وسائر بوکي ارکک اجتماعکاهلرينك عددى ضابطہ طرفندن تحديد
اولنمى طلب ايدمکدہ در .

فى الحقيقہ آلمان قاديئلرى قلوبلرک وسائر اجتماع محللرينك ساعتلرجه
زوجلرى ، ارککلرى آليقويهرق يلم و قتلرى کچيکدیرمکہ ، فضله
مصرف اختيار ايدمکہ سوق ايتديکنى بيان ايديبورلر .

ضابطہ : زوج ، پدر ، برادر ، اوغل کي عائله ارککلرى بوکي
محللردہ طولاشمقدن منع ايدہ بيلمک ايچون برچارہ آرايوز و بک
زيادہ مشکلات ايچندہ بولنيورمش .

مَقَالَاتُ

فاضل محترم ، م . شمس الدين بك افندى

محترم افندى حضرتلرى

اوتدنبى قلبى پارچہ لايان ، دونما اعانہسى حقندہ کي لاقيدلہ دائر عرض
ايدمکم بر قاج سوز مشغوليتکزه مانع دکلسہ لطفاً او قویکز :

بوملت ايلکله پاره ويرمز !

انقلاب يا بيلمغه ، حکومتک شکیلى دیکشمکله او حکومتہ منسوب
انسانلرکده اخلاق دیکشمزیا . سنين و فیرہ دنبرى اذا وجفایہ آليشمش ،
طياقلہ پاره ويرمکى اصول ، عادت اتخاذايتمش ، تحصيلدارلرہ ، ژاندارمہلرہ
ويرہجکي ويرکويه يقين بر مقدار رشوت و يروب خانہ سندنہ مشروع
ايمش کي بسلمکى قاعدہ طائيش بر ملت سوزله متأثر اولورده آدمہ
پاره ويررمى ؟ طبيعى ويرمز !

سبیل الرشادہ بو باده يازيلان مقالات ايلہ جرائد و رسائل سائرہ دہ
ينہ بو خصوصندہ کي ارشاداتدن شمدي يہ قدر نہ نتيجه حاصل اولدى ؟
بولمک بيکارجه مقالات ، يوز بيکارجه قونفرانسلردن متأثر اوليان
و کچيريلن بو قدر خجايہ قارشو « قدرى » ايلرى سورہرك لاقيد قالان
بر قومہ خطاب ايدوب طور مقده معنائہ در ؟ يازہ يازہ بلکہ بر ثمرہ
حاصل اولور فکرى ايسہ ، سزى قسم ايلہ تأمين ايدہ رمکہ بزم
قاندزلغمزى ، حميتسزلکمزى کيدرمک ، بزى سوزله يولہ کتيرمک
محال ايلہ اوغراشمق قبيلندندر .

يونان زرهلى آليورمش ، بزہ قارشى تفوق بحريسى بو صورتلہ
بستون تأمين ايدہ چکمش ، اطہلرمزى ويرمکدن بشقہ يارين پايتختمزى ،
اناطوليمزى تهديد ايدہ چکمش و دہا صوکرہ دونما مزى تزيبده غيرت
ايمز ايسہك دولتک بقاسندنہ شہہ وارمش کي انسانى ، فقط دقت
بيورک انسانى ديورم ، محو ايديجى ، هونکور هونکور آغلاتيجى
بو قدر آجى حقيقتلرک بزہ تأثير ايدہجکنى حالا مأمول ايديبورميسکز ؟
عرض ايتديکم وجهلہ ، بتون معناسيلہ حسدن محروم ، سفيل بر کتلہ

و (بلقع) یازیلوب اوقونان ایکی مملکت بولوندیغی خاطر مه کله دیکی جهته دوشوندم ، حتی (یاقوت حموی) نك (معجم البلدان) نده ایچیه قاریشیدردم . نهایت بونلرك (كرك) و (بلقاء) بلده لری اولدیغی ، ناصیلسه ذهول ایدیلررك یا گلیش استنساخ قیلنمش بولوندیغی آكلادم وحقارنده ، ایکی معتبر اثرده مندرج معلوماتی بالاقباس بروجه آتی یازدم :

« كرك : برنجی وایکنجی حرفك فتحیله اعجمی برکله اولوب (بلقاء) نواحیسنده وشام جهته کی طاغلر اوزرنده مینی مستحکم برقلعه در . بعلبك جوارنده کاش واوزون برمزاری محتوی بولونان برکویك آدی (كرك) در . او طرفلر اهاالیسی ، بومزارك (نوح علیه السلام) ك قبری اولدیغنه معتقددر . معجم البلدان - یاقوت حموی »

« كرك : سوریه ولایتده ودمشق شامك ۲۵۰ کیلومتره جنوبنده اوله رق (بلقا) خطه سنده و بحر لوطه دوکیلن (وادی كرك) بحرایی قرینده ، اخیراً تشکیل اولنان (معان) سنجاغنه مركز اتخاذا اولمش برقبه اولوب ۸۰۰۰ اهاالیسی و مؤسس اولدیغی قیالك شمال غربی گوشه سی اوزرنده (بیرس قلعه سی) نامیله اسکی برقلعه سی و بونك ایچنده کلیسادن مبدل خراب برجامی ، اهل صلیبدن قاله دیگر برقلعه سیله ایچنده برچوق قیولرله صهرنجلی و عربانه حیوانات و توتون و پرنج تجارتی وارددر .

كرك ، ازمنه قدیمده بیوجك برشهر اولوب قلعه و موقعك متاتیله مشهور ایدی . اهل صلیب بوقلعه ده طول مدت مقاومت ایتمش لر سده نهایت صلاح الدین ایوبی فتح ایتمشدی . اهاالیسندن ۱۸۰۰ ی خریستیان و قصوری مسلم اولوب جمله سی برحال بدویته یاشایورلر سده مركز لوا اتخاذا ، ترقیسی موجب اولاجنی مأمولدر . قاموس الاعلام - شمس الدین سامی بك »

« بلقاء : دمشق سنجاقلرندن بری اولوب شام ایله وادی القری آراسنده در و مركز اداره سی (عمان) بلده سیدر . معمور کویلی اولوب کثرت فلاحیله ، علی الخصوص بوغداينك غایت اینی اولماسیله مشهوردر . عمان بن لوطه ، یاخود بنی عسل بن لوطدن (بلقاء بن سویده) یه نسبت ایدیلشدر . (قریه جبارین) ایله (كهف ورقیم) بواراضی داخنده در . معجم البلدان - یاقوت حموی »

« بلقاء : سوریه نك قسم جنوبیسنده و فلسطینك شرقنده برخطه نك اسمی اولوب اصل بلقا خطه سی شریعه ، یعنی اردن نهریله بحر لوطك شرقنده در . مركز قدیمی (عمان) قصبه سی ایدی .

اليوم بیروت ولایتنه ملحق بلقا سنجاغی ایسه نفس بلقا خطه سندن بشقه فلسطینك حدود مصریه یه و عقبه کورفرینه قدر اولان قسم جنوبیسی وینه فلسطینك شریعه نهریله آقی ده کیز آراسنده اولان قسم شمالیسی دخی حاوی و بوجته قدس متصرفلغنی اوچ طرفدن محیطدر

بولوانك قسم غریبی زمان قدیمده (سامریه) اسمیله معروف اولوب اهاالیسی ، بنی اسرائیله خصومتلریله و شرکده کی اصرار و عناد لریله مشهوردرلر . قسم شرقیسنده دخی زمان قدیمده خیلی معموریت بولوب عمان ، حسان ، وادی موسی (پترا) کی مشهور شهرلرك خرابه لری موجوددر . اليوم قضا مرکزی اولان (كرك) قصبه سی دخی صلیبیون محارباتی زماننده خیلی اهمیتی حازر بولونمشدر قاموس الاعلام - شمس الدین سامی بك »

ینه کتاب مبعوث عنك ۲۱ نجی صحیفه سنده و « جزيرة العربك مختلف قسملری حقه ده معلومات تاریخیه ، بمن قطعه سی و سلاله حمیریه » عنوانی یخنده شوسطرلر کورولویور :

« ینك اوچنجی حکمداری اولان عبدشمس سبانك میلاددن درت یوزسنه اول حمیر وقحطان اسملرنده ایکی اولادی دنیا یه کلدی . عنعنات تاریخیه کوره كرك عرب عاربه نك ، كرك اسماعیلرله قاریشمش اولان عربلرك اجدادی بولنردر . حمیرك نسللری نسبة ده زیاده مدنیته میل کوستردیلر ؛ شهرلرده اقامت

ایدوب تمدن ایتدیلر . قحطانك اولاد واحفادی ایسه بدویلك عالمده یاشادیلر . هرایکی نسلکده کندیته مخصوص برلسانی واردی . حمیری لسانی شهرلرده تکلم ایدیلر و القباسی ده ترتیب و تشکیل ایدیش اولدیغندن کتابت ده اولونوردی . بنی قحطان ، لسان عربله تکلم ایدرلردی ؛ اولنر عربجه بنی جزيرة العربك شمالنده ساکن اولان بنی ابراهیمه منسوب عشیرتله اختلاط ایدررك اخذوا قباس ایتدیلر . بنی قحطانه خط و کتابت عصر نبویه ایجاد اولوندی . قحطانیلر ، شعرلرنی عربجه سویلرلردی . حمیری لساننده سویله نمش برشعرك نه اثرینه ، نه ده عنعنه سنه قطعاً تصادف ایدیله مشدر . »

مورخلر ، (قحطان بن عابر) ك یننده تشکیل حکومت ایتمه سنی هجرت نبویه دن تخمیناً و تقریباً اوتوز عصر اول اوراق اوزره کوستریورلرو : « قحطانك پدر عایلری عابر (هود علیه السلام) حضر موت و شحرو عمان حوالیلرنده کی قوم عاده مبعوث بنی ذیشان اولغله تاریخ مقدس قسمنده کوستریلرکی اوزره قوم مذکورك هلاکارندن صوکرانی مشاوریه ، نبوتی تصدیق ایدن مؤمنلرله برابر اوراده اقامت بوپورمشلر ایدی . وفاتندن صکره فرزندنجیی و ابراهیم علیه السلامك جد امجدی (فالخ) اولاد و متعلقاتی آلوب جزیره مابین النهرین حوالیسنه عزیمت ایلدیکی کی ، دیگر ولد نجیی (قحطان) اولاد و اتباعیله حضر موتدن یننه کیده ررك اوراده بردوت مستقلة تأسیس ایلده دی . قبل الهجره (۳۰۶۵) »

دیورلر . شو حساب تخمینیه کوره قحطانیه حکومتی ، میلاد عیسادن یکریمی بش عصر قدر اول تأسس ایتمش اولویور . بوراسنی اونو تعایلم .

قحطانك ؛ یعرب ، جرهم ، حضر موت ، عاد ، عمان ناملرنده بش اوغلی بولوندیغی مرویدر . وفاتنده یعرب ، باباسنك جانشینی اولمش و برادرلرندن (جرهم) ی حجازه ، (عاد) ی شحره ، (حضر موت) ی جبال شحره (عمان) ی عمان طرفلرینه مأموراً کونده رمش و پدرینك عرب بآنده دن اوکره نمش اولدیغی لسانده اصلاحات اجراسنه موفق اولمشدر . حتی حسان بن ثابت رضی الله عنه حضر تلبینك شو منظومه سنده یعربك اسمی حرمله ذکر ایدیلشدر :

تعلمتم من منطق الشيخ یعرب ایننا وصرتم معربین ذوی فقر
وکنتم قديماً مالکم غیر عجمه كلام وکنتم کاهنهم فی القفر
یعربك وفاتنده یرینه اوغوللرتدن (یشجب) [۰] کچمش ، یشجبه ده اوغلی (عبدشمس سبا) خلف حکومت اولمشدر .

عبدشمسك اولاد عیدیه سی آراسنده (حمیر) (کهلان) (عمرو) (عامله) (اشعر) نامنده کی اوغوللری مشهور اولوب برر قبیله پدرلریدر . دیمك که (عبدشمس سبا) قحطانیه حکمدارلرینك اوچنجیسی دکل ، دردنجیسی ایمش . محرر محترم ، بوخصوصده ذهول ایله دیکی کی اولادینك میلاددن درت یوز سنه اول طوغدیغنی و (قحطان) اسمنده براوغلی اولدیغنی یازمقله ده خطایه دوشمش .

چونکه : برقاچ سطر یوقاریده سویله نیلیدیکی اوزره میلاددن یکریمی بش عصر اول شکل ایتمش برحکومت تحتنه دردنجی اولارق اطوران

[۰] تاریخ ابنی الفداده حا ایله (یشجب) یازیلاسی سهو فاسخدر . قاموسده ده جیم ایله مضبوطدر .
(مرآت العبر - دیاربکرلی سعیدپاشا . جلد ۲ صحیفه ۱۷۷)

یمنه کیتدکری وقت عرب عاربه دن بولونان یمن و مدینه اهالیسیله قونوشوب
آکلاشیرلردی . حتی جد پیغمبری (عبدالطلب) حضرتلری (سیف
بن ذی یزن) ک جلولونی تبریک ایچین حضورینه کیرمش و بلا ترجان
مکالمده بولونمشدی، حتی همیر قبیله سندن بولونان بر صحابی به طرف
رسالتدن حمیر شیوه سیله «لیس من امیر امصیام فی امسفر» بویورولمشدی که
بونک قریش عربجه سیله اولان فرقی حرف تعریفلرک (ام) اولارق
استعمالندن عبارتدر .

اوزاغه کیتمه به نه حاجت . بو کون عثمانلیجه قونوشان پای تخت
اهالیسیله روم ایلی و اناتولی خلقنک تلفظنده کی شیوه فرقی ایجه مهم
اولمقله برابر آراده کی فرقلر طولایسیله استانبولجه ، روم ایلیجه ،
اناتولیجه دییه برر مستقل لسان عد ایتک کیمسه نک خاطرینه کلز .
واقعا (مقدمه ابن خلدون) ترجمه سنده شو سطرلر وار :

« مضر لسانه اعتنا اولنسی آنحق بونک ایچوندرکه ممالک شام و مصر و مغربی
استیلا ایتدکلرنده اعاجم ایله اختلاطلرندن ناشی لسان مذکور فاسد و ملکه سی
متغیر اوله رق باشقه برافته منقلب اولوب قرآن کریم ایسه اول لسان اوزره
منزل واحادیث نبویه اول لغت ایله منقول ایدوکنه و بونلر دخی اصل و اساس دین
ومت اولدقلرینه مبنی لسان مذکور ک قدانیله قرآن واحادیثک همی مغلق و مشکل
اولور دیو خوف اولندیغندن بولسانک وضع قوانین ایله احکامنی تدوین لازم
کلوب بوجهته ابواب و فصول و مقدمات و مسائلی حاوی برعلم میدان کله رک
اصحابی آکا (علم نحو) و (صناعت عربیه) تسمیه ایلدیلر . واکر بوعصرده کی
لسان عربی به اعتنا واحکامنی استقرا ایلسه ک بونده دخی حرکات اعرابی به بدل
بولورکه آنلرک دخی قوانین مخصوصه سی اولور و احتمال که امور مذکورینه
اواخرده بولور . فقط لغت مضر ، مسلکندن باشقه بر اصولده اولور . و الحاصل
بالجمله السنه و لغات ایله بونلرک ملکاتی هپ بویله قوانین مرتبه مخصوصه اوزره در .
ولسان مضری دخی لسان حمیری به نسبتله بومثابه ده ایدی که مضر عندنده لسان
حمیرنک موضوعات و تصاریف کلماتندن چوغنی تغیر ایتشددر . نه کیم عندمزرده
موجود اولان نقول بوکا شهادت ایلر و بعض عقول قاصره اصحابنک رأیی بو
تقدیر مرزه مخالفدرکه مضر و حمیر لسانلرنی لغت واحده ظنیله لغت حمیری نک
قیاسات و قوانینی لغت مضریه اوزره اجرانسه چالیشیورلر . نه کیم بعضلرینک
لسان حمیرده قیلک قولدن اشتقاقی و بوکا مماثل برطاقیم شیلری زعم و اعتقاد
ایلدکلری کی . . آنحق بوذها بلری صحیح اولمایوب بوعصرده کی عرب لغتی ، لغت
مضر ایله متغیر اولدینی کی لغت حمیر دخی یک چوق اوضاع و تصاریف و حرکات
اعرابده لغت مضریه مغایر باشقه جه لغتدر . »

بو سطرلرک مطالعه سندن (حمیر) و (مضر) لغتلرینک بربرینه
مغایر اولدینی آکلاشیلور . فقط بو مغایرنک اعراب و بعض تصرفات
نتیجه سی اولدینی بیلدیریلرک بو کونکی عربجه ایله مضر عربجه سی
آراسنده کی فرق نه ایسه مضر عربجه سی ایله حمیر عربجه سی آراسنده
او قدر فرق واردی دیمک ایسته نیلیور .

عبد عاجزده یوقاریده بو مطالعه یی درمیان ایتش و (بولهجه لرک
ایله بوسبتون آیری برر لسان دکل ، شیوه تخالفندن وزمان کچدکه
یکی یکی کلمات استعمالیله برابر اعراب فرقدن ایلری کلش اولاجغنی
ظن ایدیورم) دیمشدم . اوت ، بو کونکی عربجه ایله مضر عربجه سی
آراسنده فرق کلی بولوندینی حالده ، مضر شیوه سنی همان اونوتماش اولان
حجاز بدویله طنجه ساحلندن قالقوب کلن بر مغربی - او قدر شیوه

برذاتک ، یکریمی برعصر صوکر اچوجوقلری اولماسی ، صحائف توارینخده
دکل ، روایات اساطیر میاننده بیله کوروله مهیه جک تقولات عجیبه دن ،
(کهلان) اسمنک (قحطان) صورتنده یازیلما سی ده اسملری کتابک باش
طرفه دیزیلش اولان مأخذلره باقیلما دیغنی کویستره جک ادله دندر .

محرم محترمک « حمیرک نسللری نسبة داها زیاده مدنیته میل
کویستردیلر . شهرلرده اقامت ایدوب تمدن ایتدیلر . قحطانک اولاد
واحفادی ایسه بدویله طنجه یاشادیلر « دیمه سی ده طوغرو دکلدر .
زیرا ، کهلان ، یاخود محرم محترمک یازدینی وجهله قحطان ! برادرندن
صوکر ایمن تحت حکومتنه کچمکله برابر اولاد واحفادی آراسندن
(غسانلر) شام طرفلرنده تشکیل حکومت ایله مشلر ، ینه کهلان زاده
اولان (خزاعیلر) مکّه مکرمه ریاستنی الدّه ایتمشلر (اوسیلر) ایله
(خزرجیلر) ده یثرب بلده سنده اقامتله اورالرک اعمارینه چالیشمشلردی .
محرم محترمک تنوع لسان حقنده کی مطالعه سی ده شایان تدقیقدر .
بوکا دائر معجم البلدانده بر روایت وارکه نقل ایدیورم :

ارض (عربیه) به منسوب اولق اوزره و (مسند) (زبور)
(زقرقه) (حویل) (رشق) (مبین) ناملریله آلتی لهجه واردرکه :
(مسند) حمیرلرک (زبور) بعض اهل یمنه حمیر میلرنت (رشق) عدن
وجند اهالیسنک (حویل) مهره لیلرک (زقرقه) اشعیرلرک (مبین) ده
(معد بن عدنان) اولاد واحفادینک شیوه لسانیدر .

بونلردن برنجیسی : عاد ، ثمود ، عمالقه ، جرهم اولی ، عبد بن الضحیم ،
طسم ، جدیس و امیم قبائلنه منسوب اولوب - اصلاً سربانی اللسان
اولان - قحطان بن عابر ، بو لهجه یی اونلردن اوکرشمش ، اوغلی
یعرربه اصلاحات لازمه اجرا ایله مشدر .

ایکنجیسی : (جرهم بن فالج) اسمنده بر ذات ایله اولادینه ،
اوجنجیسی (یقطن بن عامر) نامنده برکیمسه ایله اولادینه ، دردنجی
و بشنجیسی (مدین و یافش ابنا ابراهیم) ه ، آلتینجیسی ده اسماعیل بن
ابراهیم علیهما السلامه اسناد اولونویور .

یاقوت حمونک بونلردن بهریله اصحابی ذکر ایتدکه «لسانهم المسند
و کتابهم المسند» و «لسانهم الزبور و کتابهم الزبور» ده ییشندن ده ظن
عاجزانه کوره ذکر اولونان لهجه لرک قونوشولمقله برابر یازیلدیغنی ده
آکلاشیلور .

مع مافیه بو لهجه لرک او یله بوسبتون آیری برر لسان دکل ، شیوه
تخالفندن وزمان کچدکه یکی یکی کلمات و تعبیرات استعمالیله برابر
اعراب فرقدن ایلری کلش اولاجغنی ظن ایدیورم . چونکه :عبرایجه
ایله عربجه آراسنده فرق کلی موجود ایکن عبرایجه انجیلده کی «الای
الای لما طراقتی» عبارهنک «آلهی آلهی لم ترکنتی» معنسانه کلدیکی
روایت ایدیلکده ایکن بر قطعه داخنده و طویلوجه بر قوم آراسنده
قونوشولان لسانلرک آیری آیری شیلر اولماسنه احتمال ویریه مز .
عرب مستعربه دن بولونان قرشیلر ، برای تجارت یازین شامه ، قیشین

فرقیله برابر - کوروشوب قونوشویور ، همده بزم کی اومبارک لسانه بوسبتون یاناجی اولاندردن زیاده آکلاشیور .

یازی مسأله سنه کلنجه :

(حبیب افندی) مرحومک (خط و خطاطان) عنوانی کتابندن

و « خط عربی به دأر مقدمه ابن خلدوندن مستخر جدر » عنوانی بحثدن آتیده کی فقره لری نقل اییدیورم :

« دیار عربده حمیری موسوم خط عربی (ملوک تباعه) وقتنده حد کاله بالغ اولوب دولترینک وسعت وقوتی ورجانک فتون وصنایه رغبتلری سببیه خط و کتابتلی دخی مرغوب اولش ایدی . بعده ارض عراقده ملک عربی تجدید ایدن (آل منذر) زماننده خط ، بلاد حیره به منتقل اولوب آنلرده خوشنویس کاتبلر ظهور ایلیدی . لکن بودولت ، تباعه دولتی مرتبه سنه وارده میوب کتابتده وسائر صنایعده آنلردن آکشاغی قالدی . بعده فن کتابت ، (حیره) دن اهل طائف وقریشه نقل اولوب آنلردن اهل قلم اولدیلر . اهل طائف وقریشدن ابتدا استعمال قلم ایله بن (ابوسفیان) ودیکر روایتده (حرب بن امیه) اولوب کتابت حیره دن (اسلم بن سدره) نام کسندن اخذ وتعلم ایلش ایدی . ایمدی محقق بودرکه : اهل حجاز ، فن خطی اهل حیره دن واهل حیره ، حمیردن اخذ ایدوب جزیره عربده خطک شیوعی بووجه اولمشدر ...

قبیله حمیرک مسند اسمیه موسوم برنوع کتابت مخصوصه لری دخی دار ایدی که اشکال حروف یکدیگردن منفصل اولوب رؤاسانک اذنلری اولماقجه کسه به تعلیم اولمزدی .

بعده قبیله حمیردن قبیله مضر ، کتابت عربیه بی تعلیم ایتدیلر ایهده بادیه نشین اعرابدن اولدقلرندن سائر صنایع کی صنعت کتابتک دخی مزایاسنه واصل اوله مدیلر . »

طاهر المولوی

مکتبائیت

هندستانه فخر مخصوصمزدنه :

سیلان آله سی ثروت طبیعی

جغرافیا نقطه سندن سیمه آله سی :

سیلان آله سنک من القدم عین وضعیت حاضر به مالک بر آله اولدیغی ادا ایدن اسکى ویکى جغرافیا علماسنک مطالعه لرینه رغماً شو صوک عصرلرده کی متفننلرک ژه اولوژی Geology نقطه سندن ایتدکلی تدقیقاته نظراً مذکور آله وقتیه حال حاضرندن ده و وسیع ودها بویوک بر شکل وماهیتده بولوندیغی وعوارض طبیعی، ارضیه به معروض قالدیی جهته آله نك اقسام سائر سنک محو و نابود اولوب دکن آلتیه کیردیکنی ادا اییدیورلر . بعضیلری ده مذکور آله نك دیگر آفریقا، مالدیو، شاغو قطعه و جزایرله مربوط وینه طوفان وزلزله عوارضنه تابع و معروض بولنسی اوزرینه اراضی و قطعات مذکور ایله فک ارتباط ایدرک، شکل حاضره منقلب اولش اولدیغی درمیان ایلیورلر . حتی بوقدرله ده اکتفا ایتیه رک، آله ده موجود بولان حیواناتله آفریقا وسائر قطعه لرده یتشن حیوان و نبات یتنده مشابیه تامه وقریه موجود اولدیغی کندی مدعالرینی تأیید و تأکید ایچون باشلیجه دلیل وشاهد کوسترمشلردر . بشقه لری ده آله نك (موریس) و (ماداغسکار) جزایرله مربوط و متصل بولندیغی و اخیراً عوارض طبیعی و فوق العاده نك وقوعیه بوحاله کادیکنی قویاً اثبات ایلکده در .

سیمه طائف رقبالی بر آله در :

سیلان آله سنک، منها نقاط شایه سیمه، ساحلنک بر قسمی قیالقدن مستثنا

اولدیغی حالده، آله نك همان طرفی وهریری طاغلق و قیالقدر . طاغلرله قیالرک صلابت وتشکلاتنه باقیلیرسه ، بیکرجه سنه دن برو آله شکل وماهیتنی محافظه ایتدیکی استدلال ایلکده در . یالکنز شایان تدقیق ومطالعه اولان جهت مذکور آله ده الیوم موجود بولان جبال وتلالک عوارض طبیعی به بالدغات معروض قالمش اولدیغندن، سرور زمانله ارتفاع وانحطاط پیدا ایتش اولسی قضیه سیدر . قیالرله طاغلر تمامیه هندستان جنوبیده موجود اولان طاغ و قیالرک جنسندن وغایت قویو رنگلی، سرت ومتیندر . عین زمانده آقیق رنگلی قیالرده آله ده آر بولندیغندن، جمله سنک مواد معدنیه وکیمیویه بی حائر بولونقلری لیدی التدقیق اکلاشیمشدر . مذکور قیالرک احتوا ایتدکلی معادن آقیقندن آقیغه کندیلرینی کوسترمکده درلر . شمندوفرله، طاغلر آره سندن کچیلدیکی زمان قیالرک پاریل پاریل پارلامقه اولدقلری کوریلور . غرابت طاشی سیلان آله سنده مبدولاً بولندیغی کی اعمال صنایعه به یارایان سنکپاره لرده چوقدر .

آله نك معارنی :

سیلان آله سنه، انکیزلر طرفندن Gan contry (مجوهر مملکتی) نامی ویرلمشدر . فی الحقیقه بو آله ده هر درلو احجار ذی قیمت ایله میاه معدنیه ، کومور، غرافیت، چین آلیسی، عادی آلچی، نفت وغاز یاغی، آلتون، کوموش، آلوفیوم، پلاتین وسائر بولونقه ومملکتک باشلیجه ثروت وساماتی تشکیل ایتکده در .

غرافیت معرنی :

۱۹۰۳ سنه میلادی سندن برو هر سنه آله دن ۲۳,۹۰۳ طونیلاتوق غرافیت اوروپایه سوق وارسال اولنقه درکه ، غرافیتک Graphite هر طونیلاتوسی آله ده کی قومانیله ره بشیوز روپییه صایلمقه در . بوسنه طرفنده سیلان آله سنه غرافیت قیمتی اولقی اوزره، اجنبی پاره سی اوله رق ۱۱,۹۷۱,۵۰۰ روپییه که ۷۹۸,۱۰۰ انکیز لیراسی ایدر - کیرمشدر . غرافیتدن قورشون قلملری یاییلدیغی سولک زائدر . دیمک اولیورکه، قولانوب استهلاک ایتدیکنم قورشون قلملرک اک اساسلی ماده سی بو آله دن چیقار . مذکور معدن سیلان آله سنک غرب وجنوب طرفلرنده مبدولاً موجوددر . بومعدن، اوجاقلردن کال زحمتله چیقارلدقندن صوکره ایکی دفعه تصفیه اولتور وبویوک فیچیلر دروننده قونیلوب قولومبویه وآوروپایه سوق ایدیلر . غرافیت معدنندن سیاه قورشون دخی اعمال ایلکده درکه، قیمتک کوندن کونه آرتسنه سبب اولمشدر .

Mika مٹا معرنی :

بو معدن دینامو، وموتور ایشلریچون غایت قولانیشلی اولوب، کیت وافرله ایله سیلان آله سنک طاغلرله قیالقلرنده استحصال واستخراج اولنقه در .

آلتون معرنی :

سیلان آله سنده جاری اولان نهرلرک یتاغنده و (په دی) زراعت ایتدکلی تارلالرده، وادیلرده وخصوصیه سطح بچردن اوچ بیک انکیز قدیمی یوکسک بولنان (نووارا الیا) Nuwara elia قصبه سنک طاغلرنده مبدولدر . وقتیه بو معدنک کشف واستعماله Sir samuel Baker سیلان آله سی والیسی بذل همت ایدرک، اوسترایادن متخصص معدنچیلری آله به جلب ایتک صورتیه امنیه سنه موفق اولمشدر . ده صوکره لری (ترانسوال) محاربه سی انساننده انکیزلر طرفندن اسیر آلتان (بوئر) لر بو آله به سوق ایدلشیر و آلتون و پلاتین معدنلرینک ظاهره اخراجنه آنلرده یاردم ایتشلردر .

پلاتین معرنی :

پلاتین معدنی آلتون معدنی قدر هنوز مبدول دکسده ده، آله نك بعض مواقعنده بولنیور . بوکولرده مذکور معدنک تحریری ایچون حکومت محلیه طرفندن تشبثات مقتضیه ده بولنمش و بوایش ایچون انکاتره ، اوسترایادن بعض متخصصلر جلب ایدلشدر .